



LOKALNO PARTNERSTVO ZA ZAPOŠLJAVANJE – BIJELJINA 2

Osnovne informacije

Aktivnost: Poljoprivreda

Lokacija: Bijeljina

Članovi partnerstva:

- Centri civilnih inicijativa - vodeći aplikant/vođa aktivnosti (CCI)
- Grad Bijeljina (GB)
- Zavod za zapošljavanje Republike Srpske – Filijala Bijeljina (ZZZRS)
- Sava Semberija d.o.o. (SA)
- Ustanova za obrazovanje odraslih “Dositej” (UOOD)

Vrijednost aktivnosti: 215.194 EUR (sredstva EU: 187.218.78 EUR)

Vrijeme provođenja aktivnosti: septembar 2017. – decembar 2018.

Cilj: Zapošljavanje 50 nezaposlenih osoba iz ugroženih kategorija stanovništva uključujući žene, mlade, osobe sa invaliditetom, povratnike, manjine i osobe starije od 50 godina koji su u posjedu 2,5 duluma obradive zemlje kroz pružanje obuke o povrtlarstvu (uzgoj crvene paprike) i registraciju njihovih farmi kao komercijalnih gazdinstava te garantovanje otkupa prinosa (cca. 10.120 KM godišnje).



OPIS

Potencijal za zapošljavanje u oblasti poljoprivrede

Područje Grada Bijeljina je poljoprivredni kraj. I dok se većina stanovnika bavi poljoprivredom, količine povrća koje oni proizvode nisu dovoljne da zadovolje potrebe prerađivačke industrije a posebno kad je u pitanju crvena paprika zbog čega su prerađivači primorani uvoziti dodatne količine. Na primjer član Lokalnog partnerstva za zapošljavanje (Partnerstvo) Sava Semberija d.o.o. iz Bijeljine godišnje uvozi cca. 3000 tona crvene paprike što ukazuje na potencijal i potrebu za dodatnim uzgojem ove sorte paprike u Bijeljini a samim tim i za zapošljavanje ljudi u poljoprivredi.

Prevazilaženje prepreka zapošljavanju

Pored nedostatka crvene paprike na lokalnom tržištu, nedostatak znanja i vještina o specifičnostima gajenja ove sorte paprike onemogućava uspješnu i dovoljnu proizvodnju. Tome dodatno doprinosi nedostatak informacija o planovima prerađivača kao i komunikacije između proizvođača i prerađivača. Stoga će se aktivnosti Partnerstva fokusirati na uspostavljanje kanala komuniciranja, obuku nezaposlenih osoba u povrtlarstvu, registrovanje novih komercijalnih gazdinstava (formalno samozapošljavanje), te omogućavanje novoobučenim poljoprivrednicima da proizvode crvenu papriku, te garantovanje otkupa njihovih prinosa. Koncem poljoprivredne sezone, 50 novih poljoprivrednika bi trebali proizvesti 600 tona crvene paprike za potrebe SA.

Kako će se aktivnosti provoditi

- Javni poziv i odabir korisnika

Uz gore pomenute prepreke zapošljavanju jedan od problema sa kojim se susreću poljoprivrednici je i taj da zbog neizvjesne prodaje njihovih prinosa i time neizvjesnih prihoda (uglavnom na pijacama gdje se susreću sa jeftinijim proizvodima iz uvoza), oni svoja gazdinstva registruju kao neformalna i tako ostaju registrovani kao nezaposleni pri ZZZRS. Svi članovi Partnerstva će stoga zajednički razviti kriterije za odabir korisnika uključujući slijedeće preduslove: da korisnici imaju registrovano neformalno poljoprivredno gazdinstvo najmanje 6 mjeseci; da posjeduju 2,5 dulma obradive zemlje; da imaju osnovna iskustva u povrtlarstvu; te da spadaju u kategoriju teško zapošljivih osoba. Oni će također osnovati i zajedničku komisiju za odabir korisnika, dok će ZZZRS izdati javni poziv koje će biti promovisan putem medija te kroz kontakte koje ZZZRS ima sa nezaposlenima. Proces odabira korisnika će biti upotpunosti transparentan, a rezultati odabira će biti javno objavljeni.

Pored ovoga CCI i SA će potpisati tripartitne ugovore sa svakim od korisnika kojima će biti definisana prava i obaveza svih učesnika lanca vrijednosti proizvodnje crvene paprike, npr. obaveza korisnika da prohađaju obuku i koriste novostečena znanja, te obaveza SA da otkupi cjelokupne prinose.

- Provođenje programa obuke

UOOD će biti zadužen za provođenje programa obuke koji će se sastojati iz teoretskog i praktičnog



dijela i koji je dobio odobrenja nadležnih ustanova (teoretski dio obuke - 102 časa - će se obavljati u porostorijama UOOD a praktični dio - 68 časova - na poljoprivrednim gazdinstvima sa kojima UOOD ima uspostavljenu saradnju). Obuka će se fokusirati na uzgoj crvene paprike i proizvodnju rasadnog materijala uključujući proces pripreme i obrade zemljišta, načine uzgajanja, izbor i pripremu supstrata, primjenu đubriva, odabir kvalitetnog sadnog materijala te principe sjetve i sadnje u povrtlarskoj proizvodnji.

Po završetku obuke korisnici će polagati ispit, a za one koji ispit ne prođu prvi put će biti organizovano dodatno osposobljavanje te ponovni ispit.

- Realizacija proizvodnje i mentorstvo

Poljoprivrednici će tokom ove faze projekta (vegetativni period traje od maja do septembra) dobiti kvalitetni sadni materijal, podršku i savjete konsultanata tokom vegetativnog perioda, materijal za zaštitu biljaka, đubrivo, opremu za navodnjavanje po sistemu kap-po-kap, foliju, te osiguranje nasada od vremenskih nepogoda.

Sav materijal potreban za proizvodnju crvene paprike će biti nabavljen putem javne nabavke i biće najvišeg kvaliteta. Ukupan broj sadnica će iznositi 662.500 ili 5.300 po dulumu tj. 13.250 po korisniku. Od svakog od korisnika se očekuje da sufinansira opermu za navodnjavanje sa 200 KM kako bi razvili osjećaj vlasništva nad cijelim proizvodnim materijalom.

Konsultant, koji će biti mentor za novoobučene povrtlare, će posjetiti svakog korisnika i njegovo/njeno gazdinstvo najmanje 3 puta mjesečno u svim fazama proizvodnje i tako im pomoći da proizvedu ukupni planirani prinos od cca. 600 tona, tj. 12 tona crvene paprike po korisniku.

- Zapošljavanje

Zapošljavanje 50 korisnika će se u principu realizovati kroz preregistraciju njihovih gazdinstava iz nekomercijalnih u komercijalna, a preduslov za preregistraciju je obavezna prijava vrste i količine zasada pri Agenciji za posredničke, informatičke i finansijske usluge (APIF). Konačnom preregistracijom gazdinstava korisnici će promijeniti svoj status u ZZZRS sa nezaposlenih u zaposlene.

Sa obzirom na ugovor koji će korisnici imati sa SA o garantovanom otkupu prinosa (10.120 KM za 12.000 tona crvene paprike) oni će biti u mogućnosti da kao registrovani samostalni poljoprivrednici plaćaju zakonom propisane doprinose uključujući i zdravstveno i penziono osiguranje.

Velika pažnja će se posvetiti rodnoj jednakosti pri odabiru korisnika tako da će se nastojati da najmanje 50 odsto novoupisanih budu žene.

- Održivost aktivnosti i zaposlenja

Potrebe prerađivača su dugoročne, a time je dugoročna i potreba za proizvođačima. Kako bi se uspostavila stalna komunikacija između prerađivača i proizvođača, te dalje nastavio razvoj poljoprivredne djelatnosti u Gradu Bijeljina, Partnerstvo će doprinijeti operacionalizaciji Koordinacionog tijela pri Agrarnom fondu Bijeljina koje će okupljati predstavnike svih relevantnih



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

partnera i institucija (ZZRS, GB, udruženja poljoprivrednika, Agrarni fond, predstavnici prerađivača i proizvođača hrane, privredne komore i dr.) koji će davati svoj doprinos u predlaganju politika i planiranju i realizovanju podsticajnih mjera za poljoprivredu (ciljano po poljoprivrednim kulturama). Time će se svi članovi Koordinacionog tijela boljim korištenjem resursa polučiti pozitivne efekte u svom radu stvarajući kroz ovu aktivnost saradnju na mnogo širim osnovama.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

☎ Fra Anđela Zvizdovića 1, B/XII,
71000 Sarajevo, Bosna i Hercegovina
☎ tel: + 387 33 29 57 36
☎ fax: + 387 33 29 57 41
✉ e-mail: lep@ilo.org
📘 facebook.com/LEPSupport/
🐦 twitter.com/LEPSupport
🌐 www.partnerstvo.ba